

## ՀԱՇՎԵՏՎՈՒԹՅՈՒՆ

### ՆԻԴԵՐԼԱՆԴՆԵՐ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. **Անունը, ազգանունը.** Անի Թաթոյան

2. **Զբաղեցրած պաշտոնը.**

ՀՀ աշխատանքի և սոցիալական հարցերի նախարարության հավասար հնարավորությունների ապահովման վարչության մարդկանց թրաֆիքինգի և կանանց հիմնահարցերի բաժնի ավագ մասնագետ:

3. **Գործուղման վայրը և ժամկետները.**

Նիդերլանդներ, Հաագա, 2024 թվականի հոկտեմբերի 7-18:

4. **Հրավիրող կողմը.**

Նիդերլանդների հելսինկյան կոմիտե:

5. **Գործուղման նպատակը.**

Մատրա Իրավունքի գերակայության վերապատրաստման ծրագրի նպատակն էր զարգացնել մասնակիցների կարողությունները մարդու իրավունքների պաշտպանության և դրա հետ կապված ընթացակարգերի և իրավական դաշտի բարեփոխումների ոլորտում: Ծրագիրն անդրադարձել է տարբեր երկրների փորձառություններին և մեխանիզմներին՝ ուղղված միջազգային մարդու իրավունքների պաշտպանության ինստիտուտների արդյունավետ կիրառմանը, ներառյալ՝ Մարդու իրավունքների եվրոպական դատարանի (ՄԻԵԴ) վճիռների իրականացման խնդիրներին:

6. **Քննարկված թեմաները.**

## **1. Մարդու իրավունքների հիմունքներ և միջազգային ստանդարտներ.**

- Մարդու իրավունքների հիմնահարցերի ուսումնասիրություն և դրանց կարևորության վերահանումը միջազգային իրավական շրջանակում:
- Մարդու իրավունքների պաշտպանության միջազգային փորձի փոխանակում:
- Տարբեր երկրների փորձառությունների քննարկում մարդու իրավունքների ոլորտում:

## **2. Մարդու իրավունքներն ազգային և միջազգային համատեքստում**

Թեմաները ներառում էին, թե ինչպես են միջազգային մարդու իրավունքների ստանդարտները ներգործում կառավարության քաղաքականության և գործելակերպի վրա:

- Խորացվեցին գիտելիքները Նիդերլանդների մարդու իրավունքների հաստատությունների մասին, ինչպես նաև քննարկվեց ԵՄ Հիմնական իրավունքների խարտիան:
- Առանձին ուշադրություն դարձվեց ԵԱՀԿ ազգային փոքրամասնությունների բարձրագույն հանձնակատարի աշխատանքի մեթոդաբանությանը:

## **3. Տեղական կառույցներ և մարդու իրավունքներ.**

- Մանրամասնվեց մարդու իրավունքների միջազգային ստանդարտների ազդեցությունը տեղական քաղաքականությունների վրա:
- Քննարկվեց օմբուդսմենի դերը և տեղական մակարդակում մարդու իրավունքների մատչելիությունը հասարակության համար:
- Քննարկվեց նաև Նիդերլանդների «Ֆեմինիստական արտաքին քաղաքականության» հայեցակարգը և դրա կիրառումը:

## **4. Կառավարություն և քաղաքացիական հասարակություն**

- Քննարկվեցին, թե ինչպես է քաղաքացիական հասարակությունը համագործակցում պետական կառույցների հետ, միաժամանակ պահելով քննադատական մոտեցումը:
- Քննարկվեց ռազմավարական դատավարությունների ազդեցությունը մարդու իրավունքների պաշտպանության վրա քաղաքացիական հասարակության մակարդակում:
- Թեմատիկ ուսումնասիրության ընթացքում անդրադարձ կատարվեց նաև բողոքի իրավունքի քաղաքականությանը:

## **5. Օմբուդսմենի դերը և քաղաքացիական տարածքի կրճատումը.**

Օմբուդսմենի մեխանիզմների և նրա ազդեցության ուսումնասիրությունը կառավարության վրա:

- Քննարկվեցին քաղաքացիական հասարակության ազատությունների սահմանափակման փուլերը և դրանց ազդեցությունը մարդու իրավունքների վրա:

## **7. Հանդիպումները, ելույթները, բարձրացված կամ քննարկված հարցերը.**

**1. Էրիկ Վեստրատե** - Նիդերլանդների Արտաքին գործերի նախարարության մարդու իրավունքների թեմաների վերաբերյալ ելույթ:

- Էրիկ Վեստրատեն ներկայացրեց մարդու իրավունքների պաշտպանության կարևորությունը միջազգային իրավունքի շրջանակում: Նա խոսեց իրավունքի գերակայության, մարդու իրավունքների պաշտպանության և միջազգային համագործակցության մասին, ընդգծելով Նիդերլանդների հանձնառությունն այս ոլորտում:

**2. Յոերի Բյուրեր Տավանիեր** - Նիդերլանդների Հելսինկյան կոմիտեի ներկայացուցչություն:

- Յոերի Բյուրեր Տավանիերը ներկայացրեց Հելսինկյան կոմիտեի աշխատանքը մարդու իրավունքների պաշտպանության և խթանման ոլորտում: Նա համակարծիք է, որ միջազգային փորձի փոխանակումն ու համագործակցությունը կարևոր են մարդու իրավունքների ոլորտում արդյունավետ քաղաքականության մշակման համար:

**3. Ժերֆի Ուզման** - Ամստերդամի համալսարանի ներկայացուցիչ:

- Ժերֆի Ուզման խոսեց միջազգային մարդասիրական իրավունքի ստանդարտների մասին և դրանց կիրառման անհրաժեշտության մասին: Նա նաև քննարկեց, թե ինչպես են այդ ստանդարտներն անդրադառնում կառավարության քաղաքականություններին և հասարակական ծառայություններին:

**4. Քվիրին Էյկման** - Ուտրեխտի կիրառական գիտությունների համալսարանի պրոֆեսոր:

- Քվիրին Էյկման իր ելույթում անդրադարձավ Նիդերլանդներում մարդու իրավունքների ենթակառուցվածքների և պատասխանատվության ոլորտներին: Նա մանրամասնեց, թե ինչպես են այս կառույցները համագործակցում և ինչ դեր ունեն մարդու իրավունքների պաշտպանության գործում:

**5. Յասպեր Կրոմմենդիկ** - Ռադբուդի համալսարանի պրոֆեսոր:

- Յասպեր Կրոմմենդիկը ներկայացրեց Եվրոպական Միության Մարդու իրավունքների քաղաքականության շրջանակները: Նա քննարկեց, թե ինչպես են Եվրամիության անդամ երկրների ազգային օրենսդրությունները և քաղաքականությունները համապատասխանում Եվրոպական ստանդարտներին:

**6. Վիմ Գիրտս** - Նիդերլանդների Արտաքին գործերի նախարարության մարդու իրավունքների դեսպան:

- Վիմ Գիրտս խոսեց տեղական օմբուդսմենի աշխատանքի մասին, ընդգծելով դրա կարևորությունը մարդու իրավունքների պաշտպանությունում: Նա նաև ներկայացրեց, թե ինչպես օմբուդսմենները կարող են հեշտացնել քաղաքացիների մուտքն իրավական համակարգ:

**7. Ադրի Ստեհաուեր** - Հաագայի նախկին օմբուդսմեն:

- Ադրի Ստեհաուերը խոսեց հասարակության մեջ մարդկանց հեշտ մուտքի ապահովման անհրաժեշտության մասին, ընդգծելով, թե ինչպես կարող են օմբուդսմենները դեր խաղալ այս գործընթացում՝ ի նպաստ քաղաքացիների իրավունքների:

**8. Հեսթեր վան Օմմերեն** - Նիդերլանդների Արտաքին գործերի նախարարության ներկայացուցիչ:

- Հետթեր վան Օմներենն անդրադարձավ ֆեմինիստական արտաքին քաղաքականության կոնցեպտին, ներկայացնելով, թե ինչպես կարող է այս մոտեցումը նպաստել մարդու իրավունքների պաշտպանության գործին:

**9. Էմի վան Գենիպ** - Ռոտերդամի համայնքի ներկայացուցիչ:

- Էմի վան Գենիպը մասնակցեց «Ներառականություն» թեմայով պանելին, որտեղ խոսեց կառավարության կազմակերպություններում փոփոխությունների անցկացման մասին, ընդգծելով համագործակցության և բոլոր քաղաքացիների ձայնը լսելու կարևորությունը:

**10. Ժայր Շալկվեյկ** - «Ուղղակի վերահսկում» (Controle, Alt, Delete) կազմակերպության ներկայացուցիչ:

- Ժայր Շալկվեյկը ներկայացրեց, թե ինչպես քաղաքացիական հասարակությունը կարող է համագործակցել կառավարության հետ, միաժամանակ քննադատելով դրանց աշխատանքը՝ մարդու իրավունքների պաշտպանության նպատակի համար:

**11. Մերել Հենդրիքս** - «Հանրային շահերի դատավարական նախագիծ» (PILP) կազմակերպության ներկայացուցիչ:

- Մերել Հենդրիքսը ներկայացրեց ռազմավարական դատական գործերը քաղաքացիական հասարակության աշխատանքի մեջ՝ ներկայացնելով, թե ինչպես կարող են կազմակերպություններն արդյունավետորեն պայքարել մարդու իրավունքների համար:

**12. Կրիս վան դե Պաս** - Տիլբուրգի համալսարանի պրոֆեսոր:

- Կրիս վան դե Պասը խոսեց քաղաքացիական իրավունքների, հատկապես՝ բողոքելու իրավունքի մասին, նշելով, թե ինչպես է դա կարևոր սոցիալական փոփոխությունների համար:

**13. Տակո Տեմմինկ Թուինստրա** - Ամստերդամի համայնքի ներկայացուցիչ:

- Տակո Տեմինկ Թուինստրան ներկայացրեց բողոքելու իրավունքի քաղաքականության հարցերը, նշելով, թե ինչպիսի մարտահրավերներ կարող են առաջանալ այդ իրավունքի պաշտպանությունում:

**14. Յան Պրինս** - Ազգային օմբուդսմեն:

- Յան Պրինսը մանրամասնեց օմբուդսմենի բողոքների մեխանիզմները և ազդեցությունը կառավարության քաղաքականությունների վրա, ընդգծելով օմբուդսմենի դերը հասարակության մեջ:

**15. Էզստեր Հարտայ** - «Ոչ առևտրային իրավունքի եվրոպական կենտրոն» (ECNL)

կազմակերպության ներկայացուցիչ:

- Էզստեր Հարտայն անդրադարձավ Եվրոպական մարդու իրավունքների կոնվենցիային և քաղաքացիական տարածքի կրճատման թեմաներին, նշելով, թե ինչպես են այդ գործընթացներն ազդում մարդկանց իրավունքների վրա:

**Բեյգիայի այցի ընթացքում հանդիպումների մասին.**

**1. Կատարինա Վիեյրա** - Եվրոպական խորհրդարանի պատգամավոր:

- Կատարինա Վիեյրան մասնակցեց Եվրոպական խորհրդարանի նիստերին, որտեղ քննարկվեցին մարդու իրավունքների և ժողովրդավարության հարցերը: Նա ներկայացրեց իր աշխատանքները մարդու իրավունքների պաշտպանության ոլորտում և անդրադարձավ այն մարտահրավերներին, որոնց կարող են հանդիպել քաղաքական գործիչներն այս ոլորտում:

Այս հանդիպումների ընթացքում մոդերատորներն ու խոսնակները, մասնակցելով ակտիվ քննարկումների, նպաստեցին մասնակիցների գիտելիքների և փորձի զարգացմանը մարդու իրավունքների, օրենքի գերակայության և ժողովրդավարության ոլորտում:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Հանդիպումների ընթացքում որոշումներ չեն ընդունվել, փաստաթղթեր չեն ստորագրվել:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Ծրագրի ավարտին յուրաքանչյուր երկրի թիմ ներկայացրեց գործողությունների ծրագիր: Հայաստանի թիմի կողմից ստեղծվել և ներկայացվել է գործողությունների ծրագիր, որը լրամշակվեց Հաագայում՝ ծրագրի ընթացքում:

Վերոնշյալ ծրագիրն ոչ միայն արձանագրում է ՀՀ-ում խտրականության դեմ պայքարի ուղղությամբ անհրաժեշտ քայլերը, այլ նաև նշում է, թե ինչպես պետք է դրանք իրականացնել՝ ընդգրկելով ակտիվ մասնակցություն պետական մարմինների, հանրության և միջազգային փորձագետների կողմից:

Այն միավորում է Հայաստանում առկա մարտահրավերները և հնարավորությունները, նպատակ ունենալով ապահովել արդյունավետ օրենսդրական լուծումներ, որոնք կպաշտպանեն յուրաքանչյուր քաղաքացու իրավունքները և կպայքարեն խտրականության դեմ:

**10. Ստորագրությունը, ամսաթիվը:**



24.10.2024թ.